




Broj: 10-11-7051/24
Sarajevo, 12.11.2024. godine

SKUPŠTINA KANTONA SARAJEVO
Reisa Džemaludina Čauševića br. 1
71 000 Sarajevo



Predmet: Odgovor na zastupničku inicijativu, dostavlja se

Shodno Vašem aktu Broj: 01-04-46892-38/23 od dana 16.10.2024.godine koji se odnosi na zastupničku inicijativu Izrade finansijske procjene za oživljavanje tradicije javnih česmi u Kantonu Sarajevo.


Ovim putem vas obavještavamo da Općina Centar već kontinuirano planira sredstva u skladu sa mogućnostima u budžetu, te realizuje izgradnju javnih česmi. Kako na projektima uređenja šetnica i parkova, tako i na lokacijama gdje je moguće riješiti imovinsko-pravne odnose, te dobiti saglasnosti KJKP Vodovoda i kanalizacije d.o.o. za priključak i odvodnju.

U periodu 2023.godine sagradili smo javnu česmu na šetnici Sarajevski ćilim, a 2024.godine sagradili smo česmu preko puta Magribija džamije na Marijin dvoru i javnu česmu u sklopu Arheološkog parka Kalin hadži Alijine džamije.

U nacrtu budžeta za 2025.godinu smo planirali finansijska sredstva za izgradnju još jedne javne česme, te će se lokacija sagledati nakon svih pristiglih zahtjeva od strane mjesnih zajednica a sve u skladu sa mogućnostima rješavanja imovinsko-pravnih odnosa i VIK-a, kao što smo i spomenuli iznad.

S poštovanjem.

Šef Odsjeka za investicije:
Aida Buljubašić, dipl.ing.arh.



POMOĆNICA
OPĆINSKOG NAČELNIKA

Eldina Šehović, dipl.ing.arh.



Dostaviti:

1. Naslovu
2. Evidenciji



680197

28. 10. 24
Obrazac broj 7

Datum prijema: 28.10.2024.				
Org.jed.	Klas.oznak.	Broj	Prilog	Vrijednost
10	11	7051		

Omot za predmete i akte

Broj interne dostavne knjige 2624/24

Podnosilac Skupština Kantona Sarajevo
zahtjeva (Klarić Sanela)

Predmet Zastupnička inicijativa, dostavlja se

28 -10- 2024


Raspoređivanje u rad za: 13
Služba za obrazovanje, društvene
djelatnosti, kulturu i sport
N/R Lejla Dizdarević

NA	
Registarski m	
Godina nastanka - raspon	
Klasifikaciona oznaka	11
Redni broj iz arhivske knjige	7051
ROKOVI ČUVANJA	
Godina	
Trajno	
Trajno operativno	



Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY



Broj: 01-04-46892-38/23
Sarajevo, 16.10.2024. godine

- VLADA KANTONA SARAJEVO
- MINISTARSTVO KOMUNALNE PRIVREDE, INFRASTRUKTURE, PROSTORNOG UREĐENJA, GRAĐENJA I ZAŠTITE OKOLIŠA KANTONA SARAJEVO
- MINISTARSTVO PRIVREDE KANTONA SARAJEVO
- MINISTARSTVO KULTURE I SPORTA KANTONA SARAJEVO
- GRAD SARAJEVO
- Ul. Hamdije Kreševljakovića 3
- OPĆINA CENTAR
- Ul. Mis Irbina 1
- OPĆINA HADŽIĆI
- Ul. Hadželi 114
- OPĆINA ILIDŽA
- Ul. Butmirska cesta 12
- OPĆINA ILIJAŠ
- Ul. 126. Ilijaške brigade br.16.
- OPĆINA NOVI GRAD SARAJEVO
- Ul. Bulevar Meše Selimovića 97.
- OPĆINA NOVO SARAJEVO
- Ul. Zmaja od Bosne 55
- OPĆINA STARI GRAD SARAJEVO
- Ul. Zelenih beretki 4.
- OPĆINA TRNOVO
- Ul. Trnovo 36
- OPĆINA VOGOŠĆA
- Ul. Jošanička 80

PREDMET: Zastupnička inicijativa, dostavlja se -

Zastupnica **Sanela Klarić** je u okviru 11. radne sjednice Skupštine Kantona Sarajevo, u skladu sa članom 213. stav (1) Poslovnika Skupštine Kantona Sarajevo („Službene novine Kantona Sarajevo“, broj: 41/12-Dруги нови преčišćени текст, 15/13, 47/13, 47/15, 48/16, 9/20, 14/20, 16/22 i 17/22-Ispravka), dana 16.10.2024. godine, uputila zastupničku inicijativu koju Vam u prilogu dostavljamo.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.



Prilog: Zastupnička inicijativa

Pripremila: Dženita Džebić

Kontrolisala: Amela Smailagić-Čamdžić

PREDSJEDAVAJUĆI
SKUPŠTINE KANTONA SARAJEVO

CO:

- sekretar SKS
- sekretar Vlade

El. Smailagić



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Sanela Klarić

Zastupnica u Skupštini Kantona Sarajevo
Sarajevo, 03.10.2023.

Dostaviti:

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r Predsjedavajući g. Elvedin Okerić

Uputiti:

Vlada Kantona Sarajevo
Ministarstvo komunalne privrede, infrastrukture, prostornog uređenja, građenja i okoliša KS
Ministarstvo privrede Kantona Sarajevo
Ministarstvo kulture i sporta Kantona Sarajevo
Grad Sarajevo
Opštine smještene na teritoriji Kantona Sarajevo

PREDMET: ZASTUPNIČKA INICIJATIVA

Poštovani, na osnovu člana 213. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22), Vladi Kantona Sarajevo, odnosno gore navedenim ministarstvima, Gradu Sarajevu i opštinama na teritoriji KS, upućujem zastupničku inicijativu kojom tražim da:

- **Izrade finansijsku procjenu za oživljavanje tradicije javnih česmi u Kantonu Sarajevo**

OBRAZLOŽENJE:

Kanton Sarajevo provodi projekat dekarbonizacije „100 Net Zero“ što Vladu KS, ministarstva i javne institucije obavezuje da se što prije prilagode zahtjevima Zelene agende i Sofijske deklaracije usvojene u novembru 2021. godine. Grad Sarajevo, poznat po svojoj bogatoj kulturnoj i historijskoj baštini, ima jednu posebnu tradiciju koja se često prevodi, tradiciju korištenja javnih česmi. Ova tradicija nije samo odraz kulturnog nasljeđa, već i simbol zajedništva, gostoprimstva i održivosti. Javne česme u Sarajevu su više od pukih izvora vode; one su mjesta gdje se ljudi okupljaju, razmjenjuju priče i odmaraju. One su takođe svjedoci vremena, promjena i kontinuiteta u urbanom pejzažu grada.

U periodu Osmanskog Carstva, česme su bile integralni dio svakodnevnog života, ne samo kao izvori pitke vode već i kao mjesta za obavljanje vjerskih obreda poput uzimanja abdesta. Osim toga, česme su

često građene kao dijelovi većih infrastrukturnih projekata, kao što su džamije i hamami, i služile su kao mjesta okupljanja i druženja.

U moderno doba, s razvojem infrastrukture i tehnologije, javne česme su možda izgubile na svojoj prvobitnoj funkciji, ali njihov značaj kao kulturnih i historijskih spomenika ostaje. U kontekstu globalnih izazova kao što su klimatske promjene i problemi sa održivim upravljanjem resursima, oživljavanje tradicije korištenja javnih česmi može imati i praktičnu vrijednost. Na primjer, promocija korištenja česmi može doprinijeti smanjenju potrošnje plastičnih boca, što je korak ka održivijem načinu života.

Udruženje Savjet za zelenu gradnju je uspjelo mapirati dio postojećih česmi na teritoriji Grada Sarajeva i podići svijest o važnosti sistemskog rješavanja ovog pitanja. U dokumentu Mapa puta oživljavanje tradicije korištenja česmi u Gradu Sarajevu. Ovaj dokument predstavlja analizu trenutnog stanja, prilike za razvoj, mapira sve zainteresovane strane, daje preporuke i prepoznaje modele finansiranja. Sada je važno da Vlada Kantona Sarajeva zajedno sa Gradom Sarajevom i svim opštinama pripremi zajedničku finansijsku procjenu za oživljavanje ove tradicije u skladu sa zahtjevima održivog razvoja te Kanton Sarajevo brendira kao Kanton prava na čistu pitku vodu. Tako bismo zaštitili naša izvorišta, vratili povjerenje u našu vodu, smanjili plastični otpad, obezbjedili višekratne flaše kojim bismo brendirali novu turističku ponudu i mnogo više.

S poštovanjem

Sanela Klarić